

Evangelium vum 24. Sonndeg am Joreskrees (Joer C)

Lk 15,1-10 (Kuerzfaassung)

G. *Den Här sief mat iech all.*

A. *An och mat lech.*

G. *Aus dem hellegen Evangelium nom Lukas.*

A. *Dir all Eier, Här.*

1 D'Steierandreiwer an d'Sënner sinn alleguer bei de Jesus komm,
fir him nozelauschteren.

2 Dunn hunn d'Pharisäer an och d'Schrëftgeléiert gegrommelt
a soten: "Deen do hëlt sech de Sënner hirer un,
an hien ësst esouguer mat hinnen!"

3 Hien awer huet hinnen dëst Gläichnes erzielt:

4 "Wie vun iech, deen 100 Schof huet
an eent dervu verléiert,
léisst net déi 99 an der Wüüst zréck
a geet deem verluerenen no, bis hien et fënnt?

5 A wann hien et fonnt huet,
dann hëlt hien et voll Freed op seng Schëlleren.

6 Doheem rífft hien d'Frënn an d'Noperen zesummen
a seet zu hinnen: 'Freet iech mat mir,
well ech hu mäi Schof, dat ech verluer hat, erëmfonnt!'

7 Ech soen iech:
Esou ass och am Himmel
méi Freed iwwer ee Sënner,
deen ëmdenkt,
wéi iwwer 99 Gerechter,
déi et net néideg hunn, ëmzedenken.

8 Oder wat fir eng Fra, déi zéng Sëlworménzen huet
an eng dervu verléiert,
fänkt net eng Luucht un,
kiert d'Haus
a sicht grëndlech, bis si se fënnt?

9 A wann si se fonnt huet,
da rífft si d'Frëndinnen an d'Nopeschen zesummen

a seet: 'Freet iech mat mir,
well ech hunn déi Sëlwermënz, déi ech verluer hat, erëmfonnt!'

- ¹⁰ Esou, soen ech iech, ass och beim Herrgott sengen Engele
Freed iwwer ee Sënner,
deen ëmdenkt."

G. Evangelium vun eiser Här Jesus Christus.

A. Dech, Christus, luewe mir.